



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726-400
fax. +387 33 726-423
e – mail: info@voda.ba

Broj: UP-1/21-1-40-224-2/22

Datum: 24.05.2022. godine

«Agencija za vodno područje rijeke Save» Sarajevo rješavajući po zahtjevu pravnog lica «SISECAM SODA» d.o.o. Lukavac za donošenje rješenja o prethodnoj vodnoj saglasnosti za ispuštanje tehnoloških otpadnih voda iz turbogeneratorskog postrojenja koje planira graditi u krugu Fabrike sode Lukavac, na osnovu člana 139. stav (2) Zakona o vodama («Službene novine Federacije BiH, broj 70/06») i člana 200. stav (1) Zakona o upravnom postupku («Službene novine Federacije BiH», broj 2/98, 48/99), donosi:

RJEŠENJE

Odbija se zahtjev pravnog lica «SISECAM SODA» d.o.o. Lukavac, za donošenje rješenja o prethodnoj vodnoj saglasnosti za ispuštanje tehnoloških otpadnih voda iz turbogeneratorskog postrojenja koje planira graditi u krugu Fabrike sode Lukavac, na parceli označenoj kao k.č. br. 4128 K.O. Lukavac, s obzirom da za predmetnu aktivnost nije propisana obaveza pribavljanja vodnih akata od strane ove Agencije.

Obrazloženje

Pravno lice «SISECAM SODA» d.o.o. Lukavac, zahtjevom broj: 1532/22 od 29.04.2022. godine obratilo se ovoj Agenciji za donošenje rješenja o prethodnoj vodnoj saglasnosti za ispuštanje tehnoloških otpadnih voda iz turbogeneratorskog postrojenja koje se planira graditi u krugu Fabrike sode Lukavac.

U provedenom postupku dostavljena je i pregledana sljedeća dokumentacija:

A. Opšta dokumentacija

- Dokaz o uplaćenju upravnoj administrativnoj taksi na zahtjev;
- Rješenje o izmjeni podataka upisa u sudski registar broj: 032-0-Reg-22-000142 od 08.02.2022. godine izdato od strane Općinskog suda u Tuzli-ovjerena kopija;
- Zemljišno knjižni izvadak, ZK uloška, 1771 broj: 126-0-NAR-22-001556 od 28.04.2022 godine izdat od strane Općinski sud u Lukavcu-ovjerena kopija;
- Izvod iz posjedovnog lista 4128 broj: 05-26-1-1482/22-2 od 21.04.2022 izdat od strane Službe za geodetske i imovinsko-pravne poslove, Općina Lukavac-ovjerena kopija;
- Kopija katastarskog plana broj plana DKP broj: 05-26-1-1482/2022-5 od 21.04.2022 godine izdata od strane Službe za geodetske i imovinsko-pravne poslove, Općina Lukavac;
- „Studija za izdavanje prethodne vodne saglasnosti za turbogeneratorsko postrojenje u okviru postojećeg kompleksa «SISECAM SODA» d.o.o. Lukavac, urađena od strane «ENOVA» d.o.o. Sarajevo, april 2022. godine;

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo u ovoj upravnoj stvari.

Uvidom Studiju i dostavljenju dokumentaciju može se konstatovati sljedeće:

Izgradnja i uspostava novog turbogeneratorskog postrojenja planirana je na lokaciji postojećeg kompleksa koji se nalazi u vlasništvu «SISECAM SODA» d.o.o. Lukavac u ulici Prva ulica br.1. , općina Lukavac, na parceli označenoj kao k.č. br. 4128 K.O. Lukavac. Novo turbogeneratorsko postrojenje planirano je na lokaciji starog kotlabroj 2. Na predmetnom mikrolokalitetu postoji izgrađeno staro postrojenje (kotao) koji će se rušiti.

Novo turbogeneratorsko postrojenje je u sklopu termoelektrane, a planirano je u cilju poboljšanja proizvodnih kapaciteta.

Turbogeneratori proizvode nestalne količine električne energije u iznosima 7-8 MW, što je uslovljeno trenutnim potrebama pare neophodnih za proizvodnju sode. Nedostajuće količine električne energije se obezbjeđuju iz elektroenergetskog sistema.

U predmetnom poslovnom objektu ne nastaju tehnološke otpadne vode iz procesa rada niti nastaju oborinske onečišćene vode a kako je to utvrđeno odredbama člana 3. stav (1) tačka (s) i (cc) Uredbe o uvjetima ispuštanja otpadnih voda u okoliš i sisteme javne kanalizacije («Službene novine Federacije BiH», broj: 26/20 i 96/20).

Pravno lice «SISECAM SODA» d.o.o. Lukavac posjeduje Rješenja o vodnoj dozvoli broj: UP-1/25-3-40-637-11/18 od 05.07.2019. godine izdato od strane „Agencija za vodno područje rijeke Save“ Sarajevo za ispuštanje tehnoloških otpadnih voda, oborinskih onečišćenih voda i promet opasnih materija koje nakon upotrebe dopijevaju u vodu sa lokacije izgrađenog kompleksa Fabrike Sode Lukavac u rijeku Spreču, općina Lukavac.

Imajući u vidu navedeno i na osnovu utvrđenog činjeničnog stanja, a u skladu sa članom 200. stav (1) Zakona o upravnom postupku, članom 139. stav (2) Zakona o vodama, riješeno je kao u dispozitivu ovoga Rješenja.

Uputa o pravnom lijeku:

Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema zaključka.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Voditelj postupka:

Ahmedić Behija, dipl.inž.tehn.

**Po ovlaštenju
Rukovodilac sektora za
izdavanje vodnih akata**


Haris Ališehović, dipl.inž.građ.

Dostaviti:

- «SISECAM SODA LUKAVAC» d.o.o. Lukavac, Prva ulica br.1, Lukavac
- AVP, ISV – Vodna knjiga
- Sektor 40, arhiva
- Oglasna Tabla AVP Sava Sarajevo